

DEO OPTIMO MAXIMO  
UNI ET TRINO,

VIRGINI DEI-PARÆ, ET S. LUCÆ,  
Orthodoxorum Medicorum Patrono.

QUÆSTIO MEDICA,\*

QUOD LIBETARIIS DISPUTATIONIBUS

manè discutienda in Scholis Medicorum, die jovis quartâ  
mensis Januarii, anno Domini M. DCC. LXX.

M. AMBROSIO-AUGUSTO BELANGER,  
Doctore Medico, Præside.

An in Febre Malignâ Balneum?

I.



FEBRIS malignæ nomen apud veteres Medicos fere nullum, apud recentiores semper & ubique pleno ore prædicatum, apud clinicos non minimas gignit ambages. Quid etenim illa sit toties decantata febris maligna? quis typus? quæ indoles? quæ causa vere genuina? qui curationis modi? An sit genus morbi novum à cæteris quos novimus morbis absolute distinctum? An tantum species morbi acuti & etiam per acuti? An tandem sit potius quid morbis cognititis & ubique obviis super additum, unde ipsorum symptomata intenduntur, nova procreantur, œconomia animalis diversissimo labefactata pene subvertitur; nondum est clare & distincte definitum. enim vero scriptores revolve. Si quid, data occasione, de febre malignâ, quasi per transennam, potiusquam ex professo scripserunt, nil de ipsius naturâ & essentiâ, nil de genio & indole propriâ, nil de causâ verè procatharticâ & genuinâ, nil de curandi methodo per indicationes ex ipsius morbi & causarum naturâ petitas, proponunt; sed generalia tantum quæ sæpe sæpius ad rem non pertinent; vel species quasdam potius morbi, quem dixerunt maligni, sive partem pro toto describunt: unde omnes fere morborum species ex putredinis & malignitatis præjudicatâ opinione denominatas videbis, sub pestilentialis, putridi, exanthematici, epidemici morbi nomine.

Quis in tantâ cognitionum certarum penuriâ audeat nodum quæstionis resolvere? Saltem veri & humanitatis amici est quæ vidit candide exponere. Quid incogniti, quid inexplicabilis. a quo omnia procedunt morbi phænomena, ex toto ipsius tenore; quid decursu & genio subesse fatendum est: quomodo agat in producendo morbo & effectibus forte explicare difficillimum; primarias rerum causas felix qui potuit cognoscere; de stricto & laxo, de humorum hypotheticâ quâcumque sincerâ liceat ad libitum disputare; tradidit talia Deus disputationi hominum; quædam quidem explicant systemata, sed nil quicquam demonstrant, & ad praxim non attingunt quidem. Non enim suas habet indicationes ab hypothese quâcumque, Medicina, sed tantum ex naturâ morbi idiopatâ, ex theoriâ certâ, & physicè demonstratâ, ex affectibus solis in se & suâ causâ consideratis. Hoc porro unum necessarium medico ad curandum, agro ad convalescendum: Igitur omisso quidquid non est de febris malignæ naturâ individuâ, omisso omni symptomate non pathogonomonico, omnes morbos dictos malignos, non pro totidem morbis sed pro speciebus generis unius, licet effectus diversissimi esse possint, collectivè animo concipe; hic fiat, quod in omni morbo

\* Aut, M. Hugone GAULTHER 1767, nova edit. auctior & emendatior.

maxime composito & intricato faciendum docet ratio & intellectus communis. Scilicet in principia sua, in vitia simplicissima, in partes unde coalescit, morbus quem dicit malignum, resolve: si partes forte non noveris, causam & symptomata in se considera singulatim interrogata, & simpliciter, quid sibi conveniat, quid agendum natura ipsa, declarabit. Sic cuique vitio primario, cuique causæ, cuique symptomati quæ noveris, simplicissima indicatio rei agenda proxima, ipsisque remedium quasi specificum adaptetur simplicissimum, hæc inter se sedulo pensitentur, inter se comparentur, ut quid primo, quid secundo ordine agendum sit, absque ullo errandi timore, secure determinetur. Quod pluribus satisfacit, cætera non augens, ante omnia prescribitur. Sic verum à falso, lucem à tenebris habebit sagax prudensque Medicus, naturam solam interrogans, ipsi soli obsequiosus; sic si forte, ob perversam morbi naturam, non curat, non levat, saltem nocebit minime.

## I L.

**M**ORBUS autem malignus, si nomen admittas, is solus dicendus est, qui è genere acutorum & febrilium morborum, cum aliquali virium prostratione, sub levioris morbi specie, gravia quæque & pessima quasi in sinu recondens; subito & ex improviso diffundit & explicat; Nil etenim in primo morbi insultu mutatum apparet, nec in pulsu, nec ullo se habendi modo; si Tamen attendat ad omnia Medicus, symptomata inter se non consonant, febris intensitati non respondent, virium prostratio major, quam foret expectandum, mens sibi non absolute constat; hæc præcipue in omni morbo, qui maligni quid pretendere videtur, observare licet. Morbus vere anomalus est, solâ suâ irregularitate regularis, inconstantia constans, ex omni classe, ex omni specie & genere morborum quasi depromi videtur, omnium characterem mentiens, nullus vere servans intactum; proteiformis morbus, vix unquam sibi similis. Sub est quid absconditum, ut diximus, cujus nos fugi naturâ, à posteriori tantum cognoscendum; ab ipso vigent omnia phaenomena morbi phasæ & eventus; ipsius est quasi de genio gravia producere, independenter ab omni causâ, etiam à febre & à morbi naturâ quem præcipue videtur affectare, atque, ut verbis veterum loquar, est quasi morbus sine materiâ. A posteriori tantum licet suspicari illud absconditum, quod, mutato nomine, malignum placuit vocare. Ipsi effectus sine ullâ gradatione, sive ullo inter se ordine, quo in omnibus morbis solemne est, subito sese manifestant. Mentis animique functiones peculiariter labefactare videtur, genusque nervosum, & nervos diversimode afficere; crisi semper terminatur febris hujuscemodi, sudore, urinis, alvi excretionibus, expectoratione, aut quod frequentius accidit, factâ metastasi in glandulas inguinum, axillarum aut etiam parotidum; cutis aliqua eruptione miliarî, morbillosâ, variolosâ petechiali, sæpe etiam paulo ante mortem crisis hujuscemodi instituitur, malo semper omine, & pessimis ægri rebus.

Clarioris doctrinæ gratiâ liceat quasdam ponere differentias, ad quas omnes febris malignæ species huc usque observatæ reduci possint, quantum in re tam obscurâ, potius est. Primo loco ponenda videtur quam à dissolutione humorum dicebant veteres, esseque, à fermento quodam putrido & corrosivo, unde functiones omnes labefaciuntur, fluida degenerant, solida eroduntur, gangræna, destructio mors, una cum vitali liquido, jam lethali factò, ubique disseminantur. Hanc sane febrem malignam per se, & ex naturâ suâ, licet dicere peste pejorem. Huc reduci possunt omnes febres petechiales, sudores sanguinei in quibusdam febribus observati; exanthemata mali moris, sponte ad gangrænam vergentia, sive ante, sive post mortem erumpant, malo semper eventu, hujus memorabile exemplum mecum communi are dignatus est. M. BERCHER, Decanus noster meritisissimus. Cum in Italiâ propè Regiam Hispaniarum Infantem medicinæ navaret operam, juvenis quidam oblitus est febrem malignam decubens. Tempestas anni valde calida erat. Huic lumbago ita dolorifica, ut vix, topicè administratis narcoticis, potuerit sedari; nulla tunc saburræ signa apparebant. Postridiè verò maxime ipsa, os & linguam obducebat crusta flavescens & alba, apparuere in fronte exanthemata crocea potius quam rubra, quæ evanuerunt. Misso sanguine, administrato tartaro subiato, acidis etiam

3

mineralibus propinatis, quasi curatus omnibus visus est : dum sequenti die, eadem universum corpus occupavit, eruptio modo dicta, cum maculis rotundis, lenticularibus & gangrano dæis, quarto morbi die, omnia ad venæ sectiones instituta vulnera, simul & de repente aperta sunt, & erumpente sanguine ex omni parte, ore, naso, ipsorum ora quasi corrodi videbantur, nec cohiberi potuit sanguis, ita ut hæmorrhagiâ è brachio, pede, extingui potius quam morbo, visus est.

2°. Huic adjungemus quæ à coagulatione fieri dictæ sunt febres, sive à veneno quodam glutinoso, semper tamen nihilominus acri, glandulosas partes peculiariter affectante, fluida condensante, stringente solida ; hinc circulatio minor, pulsus, depressus, parvus, profundus, degenerationes, stagnationes plus minusve promptæ, solidorumque quasi atonia, unde repelli stagnantia non possunt, atteri spissiora fluida. Huic fortè epiala Galeni vel sudorifica accensenda est, sicut & pestilenciales omnes dicti morbi à citâ devastatione, imò & pestis ipsa, omnesque febres quarum crisis fit in glandulis sive parotidibus, sive inguinalibus, nisi has mors citior prævertat.

3°. Quæ ab alimentis, aëre, contagio, volatile quoddam miasma habet, undè pluribus communis epidemica dicitur ; per urinas, sudores criticè solvitur ordinatio. Cerebrum & nervos, non de propriâ suâ indole, sed quasi decubitu aut nervorum communicatione, afficere videtur ; forsàn etiâ humores in primis viis nidulantes quoscumque acres, biliosos, verminosos, pro causâ cognoscit, nervisque mediantibus, succellu tantum temporis, & morbo progrediente, omnes functiones potest prævertere, destruere ad internecionem usque, eruptioque cutanea vix unquam salutaris, sed sæpè sæpius mortis prænuntia est, vel post mortem tantum apparet, cum citâ cadaveris corruptione.

4°. Quæ fit à cerebri phlogosi & inflammatione ; huc omnes nervosæ dictæ febres referendæ sunt : hujus enim de essentiâ est nervorum affectiones quascumque etiâ contrarias excitare, sic sensationes, distractiones, deliria, phrentides, subsultus tendinum, torpores, commotiones, lethargicos, paraliticos affectus, & alia id genus innumera quæ, positâ semel generis nervosi irritatione, fieri possunt ; sæpè etiâ sub pleuritidis, hepatidis, peripneumoniæ, intestinorum nomine inflammationis, incautos fallit Medicos, dum hanc vel illam nervorum originem, nervos huic vel parti prospicientes irritant.

5°. Quæ fit à retropulso viru quocumque, puta miliari, varioloso, scabioso, herpetico, quod vidi in viro quodam moribus & vitâ verè ecclesiastico ; huic à pluribus mensibus herpes excedens & valdè pruriginosus membra ferè universa depascebat, corpus & animam agrippniâ ferè continuâ fatigabat, subito malè suis remediis cutis ubique alba & illibata fit, cum delirio, ardore febrili, tendinum subsultibus, sensuum omnium sopore, mentalienatione, & omnibus ex quibus febrem malignam dictam adeste norunt, & dicunt. Idem forsàn dici posset de omni humore acri, heterogeneo, qui intus latens, ad cutem appellare tentat, & non potest, sive sit in corpore genitum, aut adventitium : sive etiâ à materiâ putri in primis viis latente, quæ ad sanguinis alveum deportatur, liquidorum, venæ sectionis abusu, aut intempestivâ applicatione topicorum : sive à retentis excernendis, aut resumpto purè è quodam viscere, sive etiâ viru scrophuloso & etiâ arthritico rhumatismali, ubi semel, mediante febre, in motum aguntur, & volatilitatem, acredinem, ad nervosum genus irritandum accomodatas, acquisiverunt.

6°. Quæ fit ab ardore febrili solo, cum, distatis liquidissimis, sanguis magis ac magis attenuatur, serum in concretionem vix resolubilem tendit, per validum attritum ad vasa, tenerrimos canales destruit, nervorum pulposa stamina pungit & irritat, sales & olea expedit & attenuat, acriora reddit, movet & exhalat. Hinc omnia humorum putridæ degenerationis signa, omnia denique febris dictæ malignæ symptomata, quæ maximè circâ quartum aut quintum diem subito se manifestant. Hæc non per se, sed per accedens maligna dici debet, & forsàn à curâ malè ordinatâ, ægri aut astantium incuriâ, calidorum alexipharmacorum, & id genus remedium fit abusu. Hic referenda maxima pars morborum quos sive ab imperitiâ, sive ab ostentatione, ut plus præsti-

4

tiffè videantur, clinicis hodiernis quos fecit fors & audacia, placuit maligni nomine insignire, cujus fabricatores sunt, quique nil nisi maligni, nil nisi putridi, (licet utrumque non sit confundendum) videntes, ex hac falsâ hypothesi operantes morbum pessimum, mortem operantur. Sæpè in solo paroxismo sese manifestant gravia quæ accidunt symptomata, prout fibra erit vel tensa nimis, vel irritabilis & delicatula, timor & animi affectio morosa, vel vividâ apprehendit, ut in vaporosis & hypochondriaciis accidit faciliè, & de plano cerebrum afficitur, undè convulsionis omne genus. Hæc multò majorem adhuc habent efficaciam, si æger in locis humidis, carceribus, cum tædio, mærore, vitam degerit aliquandiu, vel flante à meridie vento, simul humidum & calidum ubique afflaverit, tunc moris febre fluidis, laxatis solidis, maxima adest ad putridam indolem dispositio, & inde omnia quæ inde sequi possunt mala, ubi semel febris advenierit, quæ vires acquirit cundo.

### I I I.

**J**AM suprà inuimus febrem dictam malignam, id est, cui inassueta & gravia accidunt symptomata, non esse morbi genus à febre ipsâ distinctum, sed potius febris ipsa quæ sub levissimorum symptomatum specie, pessima quæque minatur, & quasi de longinquo meditatur; cujus effectus si curiosius examinentur, intensiores sunt, quàm febris ordinariae competit: cujusque intensitatis causa eodem recidit ac ipsius febris causa proxima, scilicet sanguinis motus acceleratus, & vasorum maximè capillarium eretismus; licet ipsa causa proxima undè omnia hæc intenduntur, & mos quem febris ipsa videtur affectare, nos absolute lateant saltem quoad naturam. Ut autem effectus primarios & proprios dictæ febris malignæ agnoscas, ipsius febris effectus, in gradu intenso sunt considerandi, & etià gravissimo supponendi; porò cum febris nil aliud sit quàm frequentior cordis contractio, cum tensione quâdam, sive erethismo quodam in omni genere vasculoso, truncis scilicet & capillaribus. Duo ergo præstat necessariò febris, nempe acceleratum sanguinis motum, & in solidis tensionem quamdam, sive hæc à plethorâ ipsâ fiat, sive à constrictione solâ generis vasculosi, quæ quasi pro spasmi principio, sive primo gradu est habenda, cum à fluxu spirituum inordinato sit, & insuper contrâ ipsam naturam. Ex his duobus plura sequuntur necessariò & primariò, sanguinis & vasorum in se mutuo attritus, undè totius corporis calor magis ac magis intensus: sanguinis exsiccatio, diffusâ parte serosâ, & quæ fuerit magis attenuata; ejusdem proinde viscositas & immeabilitas, undè obstructions in minimis vasis, stases inflammatoriæ, & tandem continuatâ vi cordis & vasorum trusivâ, gangrenodæ: resolutio cuoris in sales & olea volatiliora, undè vasorum ruptiones, hemorrhagiæ, petechiæ, villices & putrida quæcumque, aut maligna, si volueris; plethora notha & vera, sensus plenitudinis, lassitudinis, sensuum mentisque ipsius torpor, anxietates, inquietudines, lumbagines: ab erethismo pulsus, durus, renitens, secretionum serè omnium diminutio, abolitio, quandoque urina limpida, minimè cocta, maximè si eretismus ille, de quo dicimus, in vasis minimis insideat, sive capillaribus; undè debilitas absque causâ evidenti & ab ipso morbi præludio, virium resolutio, sitis nullo potu temperanda, agripnia, dolor capitis gravativus, lingua sicca quasi sulcata & adusta, nigro obducta sedimento, cutis arida, ad tactum ardens, salivæ inopia & oris crassities, anhelationes oppressivæ, nausæ, vomitus biliosi, æruginosi, virides, animæ fætor, bilis mordax & exaltata, sæpè in liquamen olidum calore loci converta, urina pauca, acris, graveolens, straguriosa, sudor quid cadaverosi exhalans. Hæc ubi per aliquod tempus duraverint, vel etià multis ad eundem scopum concurrentibus causis intenduntur; fluida jam quid putridi & corrosivi adepta, omnia destruant, mortem, non vitam disseminant ubique, serum calorem adurenti in materiem immeabilem & irresolubilem compactum, brevi in ipsâ viscerum substantiâ hærebit, undè variorum morborum formam induet, illudque sit quod dicimus malignum. Si in pulmonis vasa anfractuosa steterit, peripneumonias, pleuritides, asthmata, tuxis paroxismos mentietur; si intrâ venæ portarum dedaleas ambages, hepatides, dysenterias, colicos dolores, alvi fluxus serosos & tormina.



5  
 fos; si verò meninges, cerebellum; nervorum origines tentaverit illud absconditum à quo omnis malignitas, tunc aderunt tremores, deliria, phænites, paralitici, comatosi affectus, motitatio linguae, subultus tendinum, digitorum manuumve motus inconditi, suspiria longa, involuntaria, anxietates, illudque semper promiscuè & absque ullo ordine & gradu. Quid plura? mens aliena, convulsiones omnis generis, & ex his infinita quæ sequi possunt mala; nam ubi læsum, vel in motum actum etià à levissimâ & inextinguibili causâ suppositus genus nervosum, pessima quæque & inaudita, imò sæpè & contraria simul expecta; nec explicare tentes, nam suprà rationem mentis & corporis commercium, sicut & hujus læsiones & functiones. Hinc facillè concipitur quomodò febris quæ primo intuitu nil habet quod reformides, acuta & etià peracuta, putrida, & quasi pestifera fieri possit ex se, & absque ullâ maligni miasmatis suppositione; minimèque ad malignum, putridum aut contagiosum recurrendum esse ad explicanda febris malignæ phænomena; nam, ut rectè Helmontius, quidquid in sanis edit actiones sanas, idipsum in morbis edit actiones vitiatas & depravatas, eoque certius & promptius, quò intentioni gradu vigeant causæ febrem producentes, & inde primariò calor secuturus. Hincque concludere pronum est quam citò efficacissimâ ad ea debellanda adhibere necesse sit, ne fortè, cum principiis non obstiteris illicè & fortiter, propter temporis angustias, occasionem præcipitem serò medicina paretur, cum mala per longas convalescere moras. Quenam illa sint efficacissima; si fortè quæsieris, ex naturâ rei intelliguntur, sicut ex dictis, scilicet, quæ potentissimè, promptissimè, efficacissimè omni causæ, omni symptomati, omni principio occurrunt, etià abscondito, fluida diluendo, laxando solida.

#### I V.

**P**ORRO inter innumera quæ huic scopo possunt conducere, putà potus aquosos copiosissimè haustos, fomenta, foci, pediluvia, balnea vaporosa, clismata omni horâ repetita, nullum certè tutiorem, citoriorem, efficaciorum fortiri effectum potest, quàm balneum. Modò dictorum vires & facultates possidet, promptius agit, omnibus pro- videt, omnium honos effectus promittit & dat, nullius incommoda potest habere, dum eo modo usurpetur quo suos præstare potest effectus salutiferos, nempe ubi omnibus quas offert morbi compositio, indicationibus satisfacere tibi visum fuerit, nec ab ipso quid timendum esse: ut autem probetur quanta possit balneum ad febris diætæ malignæ ferociam domandam, naturam debellandam, lenienda symptomata, causas destruenda, sanitatem restituendam tutò, citò & jucundè, absque ullo recidivæ metu, & convalescentiâ longiori, paucis accipe.

Inspirabile & expirabile totum corpus agnovit Hyppocrates, unde corpus vel corporis pars liquido immergi non potest, quin per vasorum extrema omni ex puncto hiantia liquorem hauriant contiguum, & in cavum suum attrahant, eoque magis, quò, vasculis simul laxatis, major vitæ vis redierit, seu vasorum tonus antea oppressus vel debilitatus; canales enim ex se & naturâ suâ flexiles, eò minus resistunt liquori appellenti quò latera eorumdem minus resistunt: hinc laxatio minorum vasorum efficit ut fistulæ tenuissimæ resorbentes facile tradere possint absorptum semel in oribus ramis. Dum quidam cursu fatigatus, vel sub sole ardenti iter confecit, squalidum corpus, os aridissimum habet, siti exercitatus continuâ, membra quasi fracta & pondus inutile trahit; mirum quomodo post balneum sitis illico extinguitur, os humidatur, totum corpus molle, humidum, agile & ad omnia promptum & expeditum fit. Quanto autem hæc felicitas & promptius succedere debent in febre quam liquidissima diffare, ex qua solida compingi, arescere, fluida, picca, & imbecillia fieri, diximus; namque corpus siccum & aridum, sed simul ex omni parte bibulum, quàm avidissimè attrahit & absorbet contiguum suæ superficiæ aquam. Porro in tali casu, rite purgato & evacuato corpore, prudenter depletis vasis, non dubitamus affirmare omnem paginam adimplere balnea maximeque in casu urgenti & præcipiti, ubi forsitan tardius lenientia externa & interna, diluentia, emollientia, segnius & tardius agerent; potus ejusdem prosapiæ insufficienter

adhiberentur: dum eos æger non sui compos respuit pertinaciter, vel saltem eâ quâ oporteret quantitate non torbet; siue horum fastidio, siue etiam quia gravant stomachum, difficileque digeri possunt. Morbi igitur naturæ, effectibus primariis sicut & secundariis, causisque omnibus efficacissime occurrunt balnea. Nostri diluens & laxans efficacius promptiusque, à quo nihil timendum sit ex usu: dic amabo? fibrarum sedat eretismum, motum sanguinis acceleratum temperat, sanguini & humoribus, dum se inter ipsorum partes intimiores insinuat, nativam restituit fluiditatem, eorum immeabilitatem & irritabilitatem tollit, omne acre enervat & obtundit; organa secretoria nimium contracta sic laxat, ut sua facilius transmittant liquida, secretiones proinde restituit; sudori, salivæ, urinæ, mucos quovis vehiculum præbet; ut commodè per ejusmodi vias, nocitura exire possint de corpore; crisi futura & necessaria, ubi semel de maligno constat, locum dat, quâ materia morbifica vel è corpore eliminatur, vel saltem, bono omine, ad cutis poros divertit. Impetum & copiam sanguinis à capite derivat & avertit, venæ sectionum, si fortè initio morbi fuerint omiffa, vices supplet, vel ubi, per vires ægri non licet eas, quâ par esset proportionem, celebrare. Calori, ariditati occurrit, mala omnia futura & præsentia prævertit & tollit. Sic theoria, sic natura ipsa balnea repetunt quasi remedium omnium præsentissimum, quodque etiam confirmat & approbat experientia rerum magistra. Anno 1765, à familiari quodam meo ad cognatum suum accersitus qui febris malignâ decumbebat. 17. annum ætatis, morbi vero diem decimum-quartum agebat. Illi delirium ferox & quandoque per intervalla sub obscurum, subultus tendinum quales nunquam inveni crebriores, cutis ad tactum ardens erat, pulsus durus, parvus & profundus, anxietas. Vacuantia & venæsectiones omiffa usque tunc erant, licet narium hemorrhagia, à morbi exordio fuisset vexatus; medici enim vices apud ægrum egerat quidam qui ægrum absque venæsectione se curaturum promiserat. Consilium ante omnia expeto: vocatur M. LE THIEULLIER, ex Decanus noster de sectione saphenæ, vesicatoriis ad furas, copiosiori lactis stibii ad granum unum pro potu, clismatibusque repetitis, sermo est; hæc præsto sunt sed fere incassum; ne cutem quidem attingunt ampla vesicantium emplastra, succedebant nilominus copiosæ alui dejectiones nullo cum levamine; venæsectionem è jugulo celebrari jubeo, sedantur ad horas symptomata, noctem minus inquietam sed insomnem transigit; hæcque brevi evanescunt solatia: furor delirium excipit, custodem ictibus afficere tentat, tandem nec sui, nec mentis compos, potum omnem respuit. Quid agendum? Venæsectiones non permittebant vires fractæ, pulsus parvus & vacillans, frustra que tentata sunt quæcumque in tali casu efficacissima docuit experientia. Fratri mortem proximam denuntians, balnea quasi spem ultimam suadeo, spondens nil esse timendum ab eis in presenti casu, multaque & optima speranda esse, modo per tempus, liceret effectum suum fortiri. Periculum in morâ consilium vocare non permisi, spem omaem suam in me libenter remittit, paratur balneum. Interendum obviam occurrit M. LE THIEULLIER, qui ægrum jam viderat: res ut se habebant, mentemque meam expono; placent balnea, tamen de prudentia esse dixit ob extremum ægri discrimen semi-balneum pro prima vice tentare; in semi-balneo igitur deportatur delirans, furens moribundus. Vix aquam sentit, dum omnia quasi de fascino sedantur, totus in natandi voluptate; natatoris in morem, pede, manu aquam agit, & ipse in superficiem fertur; ex aquæ murmure assidere sibi voluptatis focium autumat, huic alloquens hortatur ut secum in plenum fluminis alveum, in quo se natare dicebat, progredere, ibique demonstraret quantâ solertiâ & agilitate supra ventrem, dorsum aut latera nataret. Post semi-horam lecto reponitur, remanet tranquillus, sed insomnis. Astantes ipsi multo majora adhuc sperantes, ad horas vespertinas balneum requirunt, confidens ego libenter assentio. In balneum integrum per horam & semis immergitur æger nondum sibi redditus, delirans sed non furens. In ipso balneo per semi-horam dormit, quod nondum fecerat à prima morbi invasione; absque somno, sed pacatam tamen noctem habet: valde mane novum, quod jusseram balneum paratur, & horâ septimâ dum

inviso, lectum repetentem invenio, absque ullo fere tendinum subsultu, cutis humidiuscula visa est, urinæ fluere ceperunt. Mannæ uncias duas & semis præscribo cum sero lactis sibiato pro potu. Interea vocantur MM. BOURDELIN & LE THIEULLIER, uterque ex-Decani nostri meritissimi; licet res multò meliùs se haberent quam nudius tertius, ut testatus est Magister LE THIEULLIER, tamen ægrum in maximo versari discrimine, febremque exquisitè malignam pronuntiant omnes uno more; è saphena mitti sanguinem proponitur & illicè celebratur. Unde sed non omnino mens redditur, ægerque, licet præteritorum immemor, balneum enixè exorat, vix ex eo egressus est, cum mentis absolute compos, divina ecclesiæ sacramenta requirit. Per noctem pluribus somni horis recreatur, pro potu sero lactis sibiato utitur, decrevit febris, effugit omne grave symptoma, die morbi vigesimà purgatur, ut die vigesimà primà posset quiescere, si quid fortè critici accideret, expectans. Circa meridiem optime se habens è lecto in sedile longum deponitur duobus munitum grabbatis, quæ, oborto sudore copioso, transudat, ita ut horà decimà serotinà lecto restitui tantum poterit. Sic exinde omni periculo vacavit, & potuit ante quadragesimum morbi diem, patriam, charissimosque parentes integrà fruens valetudine repetere. Anno subsequenti ad puellam 12 annorum natam 7°. morbi die vocor; nec venæsectiones, nec purgantia obmissa fuerant; pulsus fere nullus, mollis & parvus, in paroxysmâ lecto restitui tantum poterat, obscurè delirabat, subsultus tendinum quidam erant. Sed imprimis sopor quasi apoplecticus obruebat, tussis importuna & sicca vexabat, incidentia, sibiata fere frustra in usum vocantur; balneum propono, toto ore & oculis hiant chirurgus & astantes. Quatuor tamen intra totidem dies experitur, non eo tamen successu evidenti, quo in prima observatione, donec inscià etiam ægra, erumperet quasi urinæ torrens, unde inundaret lectum & cubiculum, sic exinde curata fuit, remansit tamen febricula quedam quæ ad hæclicam vergere quasi meditabatur, sed vixit, & vivit optimà fruens valetudine. Ex quo hæc methodo, febres, ut aiunt malignos mederi, profligare, nobis contigit: vix quartum obiisse affirmare certò possumus; notum est quantà celeritate, quanto fere dicam incantamento, tribus balneis, diem morbi quadragesimum agens, exo ipsius mortis faucibus, parentibus, amicis, imò & futuræ charissimæ sponse redditus est contra omnium spem vir illust. Marchio de Fleury, eo ipso tempore quo primà vice typis hæc thesis publici juris facta est. Plures ex nostris collegis hanc adhibuerunt, inter quos maxime nominandi sunt MM. MALOET & THIERRI DE BUSSY, Medici Caritatis peritissimi, qui balnea in desperatis casibus cum felicissimo eventu adhibuerunt. Inter plura quæ possem enumerare iussit observatio sequens, ut pote multis & difficilibus malis & felicissimo successu insignita. Mulier duobus abhinc mensibus juncta marito, post quasdam graviditatis suspiciones, à menstruatorum reïmora subito, ineunte mense Augusto proximè elapso, febre acutà corripitur, cum anxietate, ardore, aponia, furditate & præcipuè fluxu mensium immodico. Per decem dies nil tentare liquit & symptomata in dies crescebant; tandem decimo die cessante hemorragià, pediluvia tentare ausus, eodem die ex bono omine iterata sunt, & die sequenti balneum adhibuit, in ipso balneo tranquilla ægra, identidem dormiens, quasi sanata videbatur, ita ut post duas horas, vix se eximi patiebatur, lectum reformidans, & intra obscurum quoddam delirium noctuque diuque balneum balbutiundo, semper omni horà repetens, die sequenti adhibuit cum bonis ægræ rebus: at vix egressa est cum singultus corripuit, virium prostratio major & cordiaca defectio, ita ut ad cordiaca festinare coactus fuero; tamen ardore febrili persistente, instancè ipsius naturæ balnea repetentis, iis insistere in animo erat cum cordiacis interpolatis & vesicatoriis ad furas applicatis sed inter parentes non omnes consentiebant balneis quod morbi esset effectus, ut sæpe sit, tribuentes; in consilium vocatus est M. LORRY, qui balnea vesicatoria furis, & cordiaca ubi opus essent, adhibenda suavit, in maximo & præcipiti versari ægram periculo non dissimulans. Per horam igitur balneo immergitur semiviva

melius se habere videtur & in lecto reposita consistit bonus balnei effectus; itaque alterum horis serotinis suadeo, melius se habet, similiter duobus balneis gaudet die sequenti, per noctem fat fat quies, circa pectus milliaria quædam ex anthemata alba eruperunt quæ balneis finem imposuerunt & etiam morbo, nam exinde in meliorem statum progrediens intra mensem à morbi invasione sanata est & conjugii incolumis reddita.

Hinc etiam constat quantum febribus malignis medendis conferant balnea & quantum etiam in omni febre conferrent, si quidem harum principia, ea funditis diruunt, eretismum nempe fibrarum, & acceleratum sanguinis motum, unde coalescit omnis febris: & ex quo omnia fluunt symptomata, ita ut in febribus malignis ad curandum, in omni alia febre, ne hæctica etiam incipiente excepta ad impedienda symptomata adhiberi cum cautionibus requisitis suadere fere in animo esset ex theoria & experientia.

## V.

**N**ON deerunt forsàn qui calumniam inferant, quasi in anima vili voluissem, adhibito remedio novo & apud autores inaudito, apud clinicos ferè huc usque in experto, tentare experimentum. Absit! Morbi natura indicabat, suadebant cognitæ balnei proprietates, noxæ quin etiam balnei, nil ab eo timendum spondebant, suffragabantur felici successu in variolis malè erumpentibus præscripta balnea; ægrorum curatio, dum, insciis custodibus, in aquam, ut se offert, sese projiciunt, jubet & insuper ratio, anceps potiùs quàm nullum adhibere remedium. Instabant; premitur balneo superficies corporis, undè sanguis, materia etiam morbifica ad intus, pessimo omine, repelli potest, & metasthasi vitalia viscera afficere. Est, si antea non fuerint depleta sufficienter vasa, quod non factum est, non solum nil ab eis timendum, sed contrà omne bonum expectandum est, cum, diluto sanguine, laxatis vasīs, ad superficiem corporis peccantes humores determinantur, aperiuntur pori cutanei, datur locus transpirationi, vigilantissimæ sanitatis trutici, criticis eruptionibus, urinæ, sudori, quæ ubi levantur symptomata, semper fiunt cum prosperis ægri rebus: nil pectori nec capiti imminet ex balneo, cum in secunda observatione quasi affici videretur pectus, & ex balneo liberatum fuit, nec ad caput liberandum præsentis potest inveniri remedium, & quidem ferè illicò; sed ad summum id efficeret quod ligatura in venæsectione quæ non nimis indè à clinicis melioris notæ præscribitur; ne ergo balnea vituperes, cum optima quæque dant, laxando & diluendo, in febre maligna, nullamque vim naturæ inferunt, morbo sublatum sanitatis æquilibrium restituunt; natura, depulsis hostilibus armis, sibi redditur, ut ipsa sola, quod videbitur, loco & tempore agat; quid ergo à tam provida medicatrice non sperandum? Cum ergo theoria & experientia sibi mutuas ferant suppetias circà balneorum usum & utilitatem in febre maligna, quid vetat quin concludamus.

*Ergo in Febre maligna Balneum.*

## DOMINI DOCTORES DISPUTATURI.

**M. FRANCISCUS THERRY DE BUSSY**, *Consiliarius Medicus Regis ordinarius, in supremo Senatu Parisiensi & scholarum Professor designatus.*

**M. HUGO GAUTHIER**, *Bibliotheca Facultatis Præfatus.*

**M. LUDOVICUS GILBERTUS** - **ALEXANDER BOYROT DE JONCHERES.**

**M. CAROLUS SALLIN.**

**M. PETRUS ARCELIN.**

**M. SIMON VACHER**, *Regis Exercituum in insula Corsica Medicus.*

**M. PETRUS CHEVALIER.**

**M. COSMA-AUGUSTINUS LEZURIER**, *Chirurgia latine idiomate Professor.*

**M. FRANCISCUS BERNARDUS**

Proponebat Parisiis, JOANNES-BAPTISTA-MICHAEL BUCQUET, Parisinus, saluberrimæ Facultatis Medicinæ Parisiensis Baccalaureus. A. R. S. H. 1770.

Typis QUILLAU, Universit. & Facult. Med. Typograph. 1770.